

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-500-9/23**
Datum: **25.3.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „ČAVKUNOVIĆ - TRADE“ d.o.o. Bihać, za izdavanje vodne dozvole za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima te ispuštanje tehnoloških otpadnih voda sa prostora objekta samouslužne autopraonice, izgrađenih u Unskoj ulici, u Bosanskoj Krupi, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „ČAVKUNOVIĆ - TRADE“ d.o.o. Bihać, za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima izgrađenog u Unskoj ulici, na zemljištu označenom kao k.č. broj: 7/77-132 k.o. Bosanska Krupa te za ispuštanje tehnoloških otpadnih voda sa prostora objekta samouslužne autopraonice izgrađenog na zemljištu označenom kao k.č. broj: 7/77-200, K.O. Bosanska Krupa, općina Bosanska Krupa.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod sljedećim uslovima:
 - 3.1. Da korisnik predmetnog objekta benzinske pumpne stanice sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da u roku važenja ovog rješenja, korisnik, „ČAVKUNOVIĆ - TRADE“ d.o.o. Bihać, izradi, reviduje i realizuje projektnu dokumentaciju (glavni projekt sa snimkom izvedenog stanja te potrebnim intervencijama da bi se ispuštanje otpadnih voda vršilo u skladu sa važećom Uredbom o uslovima ispuštanja otpadnih voda u okoliš i sisteme javne kanalizacije, vanjskog uređenja predmetnog lokaliteta sa tehničkim rješenjem sistema za prikupljanje, tretman i ispuštanje otpadnih voda iz objekta i sa lokacije predmetnog objekta benzinske pumpne stanice sa pratećim sadržajima i objekta samouslužne autopraonice, na nivou glavnog projekta. Projektna dokumentacija treba biti urađena i revidirana od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt („Službene novine Federacije BiH“, broj 17/08 i 38/12). Projektna dokumentacija pored općih uvjeta treba da obradi sva pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22) koja su bitna za konkretan slučaj, a naročito:
 - proračun količina potencijalno zauljenih oborinskih voda koje nastaju na lokalitetu benzinske pumpe te tehnoloških otpadnih voda sa prostora objekta samouslužne autopraonice i tehničko rješenje njihovog prečišćavanja sa svim potrebnim proračunima i tehničkim opisom u odnosu na izvedeno stanje - ugrađeni betonski separator ulja i masti;
 - situacioni prikaz izvedenog stanja internih saobraćajnih i pretakališnih površina sa ovičenjima te prikaz svih hidrotehničkih objekata na lokaciji, urađeni na katastarskoj podlozi,
 - dati rješenje konačnog disponiranja prečišćenih voda i naznačiti mjesto vršenja monitoringa prečišćenih voda (okno za uzimanje uzoraka);

- predvidjeti ugradnju separatora ulja i masti u skladu sa članom 8. Pravilnika o tehničkim svojstvima građevinskih proizvoda koji se projektuju i ugrađuju u sistem odvodnje i pročišćavanja oborinskih i otpadnih voda („Sl. novine F BiH“, br. 44/17),
 - za ispuštanje prečišćenih otpadnih i tehnoloških otpadnih voda u kolektor javnog gradskog kanalizacionog sistema, prethodno pribaviti uvjete za ispuštanje istih, od strane operatora javnog gradskog kanalizacionog sistema,
 - prikaz spremnika za gorivo sa osnovnim podacima o istim (materijal, antikorozivna zaštita, uzgon podzemnih voda, i slično),
 - u projektu je potrebno definirati položaj objekta u odnosu na vodno dobro, obližnji vodotok – rijeku Unu, zone sanitarne zaštite izvorišta vode za pijeće te sagledati sve moguće neželjene uticaje na planirani objekt i planiranog objekta na druge objekte i postrojenja, sa osvrtom na uticaje na susjedne parcele i stečena prava korisnika, postojeću infrastrukturu, naselja i slično, te dati prijedlog mjera sa tehničkim rješenjem za sprečavanje tih uticaja;
- 3.2.1. Na izrađenu i revidiranu projektnu dokumentaciju pribaviti saglasnost operatora javnog gradskog kanalizacionog sistema.
- 3.3. Skladištenje nafte i naftnih derivata vršiti u podzemnim dvoplašnim rezervoarima, sa primnjenom sistema automatske dojava o procurenju međuplašnog prostora, ukupnog kapaciteta 180 m³.
- 3.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
- 3.5. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20 i 1/24).
- 3.6. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina kao i tehnološke otpadne vode nastale na radnom prostoru samouslužne autopraonice nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent – cestovni kanal.
- 3.7. Da se istrošena ulja, nautljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.8. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH“, broj 14/10, 14/13, 26/14, 23/17 i 41/20).
- 3.10. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).

- 3.12. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, korisnik „ČAVKUNOVIĆ - TRADE“ d.o.o. Bihać je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 129. stav (1) Zakona o vodama („Službene novine Federacije BiH“, broj 70/06) se daje sa rokom važenja od 1 (jedna) godinu dana, od dana pravosnažnosti ovog rješenja.
 10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, „ČAVKUNOVIĆ - TRADE“ d.o.o. Bihać, obratilo se ovoj Agenciji dana 9.11.2023. godine, zahtjevom, broj: 103/23, za izdavanje vodne dozvole za ispuštanje onečišćenih oborinskih voda sa lokacije objekta benzinske pumpne stanice izgrađenog u Unskoj ulici, na zemljištu označenom kao k.č. broj: 7/77-132 k.o. Bosanska Krupa te ispuštanja tehnoloških otpadnih voda sa lokacije objekta samouslužne autopraonice, izgrađenog na zemljištu označenom kao k.č. broj: 7-77/222 k.o. Bosanska Krupa, Grad Bosanska Krupa.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra, Matični broj subjekta upisa: 17-01-0245-13; izdan dana 23.08.2023. godine, od strane Općinskog suda u Bihaću (ovjerena kopija),
- Uvjerenje o poreznoj registraciji, izdano dana 27.11.2015. godine, od strane Federalnog ministarstva finansija - financija, Porezne uprave Federacije BiH - Kantonalni porezni ured BIHAĆ (ovjerena kopija),
- Uvjerenje o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-7201-2/15, izdano od strane Uprave za indirektno – neizravno oporezivanje Bosne i Hercegovine, dana 22.01.2016. godine, u Banjaluci (ovjerena kopija),
- Rješenje, kojim se odobrava d.o.o. „Čavkunović-Trade“ iz Bihaća izgradnja samouslužne autopraone u ulici Unska u Bos. Krupi na zemljištu označenom kao k.č. br. 7/77-222 upisanom u zku.br.59 k.o. Bos. Krupa u vlasništvu investitora; izdano od strane Odsjeka za prostorno uređenje Službe za prostorno uređenje, imovinsko-pravne i geodetske poslove općine Bosanska Krupa pod brojem UP-I-04-23-1-672/18, dana 15.05.2018. godine (kopija),
- Rješenje, kojim se utvrđuje da su izvedeni radovi na izmjeni namjene i dogradnji postojećeg poslovnog objekta i izgradnji benzinske pumpe u Bos. Krupi, na zemljištu označenom kao k.č. br. 7/77-132, K.O. Bos. Krupa, u posjedu investitora, izvršeni u skladu sa tehničkim normativima i standardima propisanim za ovu vrstu objekata i rješenju o odobrenju za građenje br. UP-1-04-23-1-571/04 od 14.05.2004. godine i rješenja o izmjenama i dopunama rješenja br. UP-1-04-23-1-571 od 29.07.2004. godine, te se isti kao tehnički ispravni MOGU koristiti; izdano od strane Odjela za prostorno uređenje Službe za prostorno uređenje, geodetske poslove, katastar nekretnina, imovinsko-pravne, stambeno-komunalne poslove i obnovu općine Bosanska Krupa pod brojem UP-1-04-23-1-1600/04, dana 09.08.2004. godine (kopija),
- Kopija katastarskog plana, broj predmeta: 04-26-2-2572/21, broj plana: 5K15-21-6, Katastarska općina: Bosanska Krupa, Sp. pr: 111/2015; izdana od strane Općinskog organa uprave općine Bosanska Krupa, dana 07.04.2021. godine, s napomenom da plan aerofotogrametrijskog premjera nije u službenoj upotrebi (kopija),

- Izvod iz Izmjena i dopuna regulacionog plana „Poslovna zona Pilana“ („Službeni list općine Bosanska Krupa“, broj: 3/17); izdan od strane Jedinštenog općinskog organa uprave općine Bosanska Krupa pod brojem 04-19-6-1995/21, dana 18.03.2021. godine, u Bosanskoj Krupi (kopija),
- Kopija naloga za plaćanje upravne pristojbe,
- Zapisnik o inspekcijskom nadzoru, broj: UP-1-17-20-8613/13-1008-P; izdan od strane Inspektorata za promet roba i usluga Kantonalne uprave za inspekcijske poslove BIHAĆ, dana 16.9.2013. godine (ovjerena kopija),
- Zapisnik o inspekcijskom nadzoru, broj: UP-1-17-20-00162/18-1007-P-1007-001-P; izdan od strane Inspektorata za promet roba i usluga Kantonalne uprave za inspekcijske poslove BIHAĆ, dana 12.10.2018. godine (ovjerena kopija),
- Zapisnik o inspekcijskom nadzoru, broj: UP-1-14-21-2-00087/2023-028-P-028-1-P; izdan od strane Federalnog vodnog inspektora Federalne uprave za inspekcijske poslove SARAJEVO, dana 25.10.2023. godine (kopija),
- Zapisnik o inspekcijskom nadzoru, broj: UP-1-17-19-00074/21-1031-P-1031-001-P; izdan od strane Kantonalnog inspektora zaštite okoliša Kantonalne uprave za inspekcijske poslove BIHAĆ, dana 22.4.2021. godine (ovjerena kopija),
- Zemljišnoknjižni izvadak, BROJ: 018-0-NAR-22-001 411, Zemljišnoknjižni uložak broj: 59, Katastarska općina: BOSANSKA KRUPA; izdan od strane Zemljišnoknjižnog ureda Općinskog suda u Bosanskoj Krupi, dana 28.11.2022. godine (kopija),
- E-mail o dopuni podneska zahtjeva od 23.11.2023. godine (kopija),
- Ugovor o pružanju komunalnih usluga; zaključen sa JKP „10. JULI“ d.o.o. Bosanska Krupa pod brojem 1002/18 od 20.03.2018. godine, odnosno brojem 92/18 od 27.03.2018. godine (kopija),
- Račun za utrošenu vodu i kanalizacione usluge, broj: 500673-1-1023-22 za mjesec oktobar 2023. godine, izdan dana 31.10.2023. godine od strane JKP „10. JULI“ d.o.o. Bosanska Krupa (kopija),
- Popratni akt o dopuni podneska zahtjeva, broj: 108/23 od 23.11.2023. godine,
- Izjašnjenje, broj: 107/23 o dopuni podneska zahtjeva, dana 23.11.2023. godine,
- Rješenje o vodnoj dozvoli, kojim se daje vodna dozvola pravnom licu „ČAVKUNOVIĆ-TRADE“ d.o.o. Bihać za promet opasnih materija kao i proizvoda od tih materija koje nakon upotrebe dospijevaju u vode te ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u Unskoj ulici u Bosanskoj Krupi, na zemljištu označenom kao k.č. broj 7/77-132, K.O. Bosanska Krupa, općina Bosanska Krupa; izdano od strane Agencije za vodno područje rijeke Save Sarajevo pod brojem UP-I/25-3-40-459-5/18, dana 02.11.2018. godine (kopija),
- Rješenje, kojim se utvrđuje da su radovi na izgradnji samouslužne autopraone u ul. Unska u Bos. Krupi, izgrađene na zemljištu označenom kao k.č. br. 7/77-222 iz zku 59 k.o. Bos. Krupa, u vlasništvu „Čavkunović-Trade“ iz Bihaća, izvedeni u skladu sa tehničkim normativima i standardima propisanim za tu vrstu objekata i rješenju o odobrenju za građenje br. UPI-04-23-1-672/18 od 15.05.2018. godine, te se isti kao tehnički ispravan MOŽE koristiti; izdano od strane Odsjeka za prostorno uređenje Službe za prostorno uređenje, imovinsko-pravne i geodetske poslove općine Bosanska Krupa pod brojem UP-1-04-23-1-1377/18, dana 13.09.2018. godine (kopija),
- Rješenje, kojim se pravnom licu doo „ČAVKUNOVIĆ – TRADE“ iz Bihaća daje vodna dozvola za korištenje vode i ispuštanje sanitarnih otpadnih voda iz objekta – benzinske pumpne stanice sa pratećim sadržajima izgrađenog u ulici Unska bb, u Bosanskoj Krupi na zemljištu označenom kao k.č. broj 7/77-132, upisan u Zemljišnoknjižni uložak broj: 59 k.o. Bosanska Krupa, u vlasništvu DOO „ČAVKUNOVIĆ-TRADE“ iz Bihaća; izdano od strane Jedinštenog općinskog organa uprave općine Bosanska Krupa pod brojem UP-1-05-21-1-953/21, dana 11.05.2021. godine (kopija),
- Rješenje, kojim se daje urbanistička saglasnost d.o.o. „Čavkunović – Trade“ iz Bihaća za izgradnju samouslužne autopraone u ulici Unska u Bos. Krupi na zemljištu označenom kao k.č. 7/77-222 upisanom u zku br. 59 k.o. Bos. Krupa; izdano od strane Službe za prostorno uređenje, imovinsko-pravne i geodetske poslove općine Bosanska Krupa pod brojem UP-I-04-23-2-510/17, dana 23.01.2018. godine (kopija),
- Urbanističko-tehnički uslovi; izdani od strane Službe za prostorno uređenje, imovinsko-pravne i geodetske poslove općine Bosanska Krupa pod brojem UP-I-04-23-2-510/17, dana 26.12.2017. godine (kopija),
- Izvod iz prostorno planske dokumentacije, Prostorni plan Općine Bosanska Krupa 2007-2027 („Službeni glasnik općine Bosanska Krupa“, broj: 9/09) karta „Sintezni prikaz korištenja prostora u planskom periodu“; izdan od strane Službe za prostorno uređenje, imovinsko-pravne i geodetske poslove općine Bosanska Krupa pod brojem UP-1-04-23-2-510/17, dana 18.01.2018. godine (kopija),
- Komunalna saglasnost, kojom se podnosioc zahtjeva obavještava da na parcelama označenim kao k.č. broj: 7-77/132, 7-77/222 i 7-77/223, zku 39; postoji podzemne instalacije (glavni cjevovod DN200

- GGG sa priključnim cjevovodom i kanalizacioni cjevovod DN600 BC); izdana od strane operatora javnog gradskog vodovodnog i kanalizacionog sistema JKP"10. JULI" d.o.o. Bosanska Krupa pod brojem 3299/21 od 10.05.2021. godine (kopija),
- Certifikat za separator ulja i masti, Broj: U-U-14-0700/17 te jamstveni list isporučio AG – METAL d.o.o. Zenica od 23.04.2018. godine (kopija),
 - Izvještaj o monitoringu kvaliteta i kvantiteta otpadnih voda benzinske pumpe i autopraonice „ČAVKUNOVIĆ TRADE" Bosanska Krupa; urađen od strane „Inspekt – RGH" d.o.o. Sarajevo pod brojem 1361/23, dana 27.09.2023. godine, u Sarajevu (kopija),
 - Ugovor o izvođenju radova, zaključen između ugovornih strana, Br. 580/21-DS, predmet kojeg su radovi na odvozu i zbrinjavanju emulzionih ulja, otpadnog (rabljenog) ulja, starih filtera, zauljenih krpa i zauljenog otpada sa lokacije naručioca; zaključen sa pravnim licem sa ovlaštenjem „DELTA PETROL" d.o.o. Kakanj, dana 06.06.2021. godine (kopija),
 - Izvještaj o obračunu broja ekvivalentnih stanovnika za mjesec oktobar 2023. godine te nalog za plaćanje istih (kopija),
 - Izvještaj o obračunu broja ekvivalentnih stanovnika za mjesec septembar 2023. godine te nalog za plaćanje istih (kopija),
 - Izvještaj o obračunu broja ekvivalentnih stanovnika za mjesec august 2023. godine te nalog za plaćanje istih (kopija),
 - Smjernice za transport i ugradnju plastičnih posuda te Izjava o svojstvima Broj: 2 000 259, data od strane Regeneracija d.o.o. Velika Kladuša, dana 08.06.2021. godine (kopija)
 - glavni projekt benzinske pumpe, urađen od strane Shine ART d.o.o. Bihać, februara 2004., u Bihaću (na uvid),
 - Glavni projekt samouslužne autopraonice; urađen od strane AQUA PROJEKT d.o.o. Bihać pod brojem 22/18, dana 24.03.2018. godine, u Bihaću, revidiran od strane AD & ARHITEKT d.o.o. Bihać pod brojem RP-3/002/18, dana 27.03.2018. godine, u Bihaću (na uvid),
 - Zaključak o visini i roku za plaćanje posebnih troškova u postupku izdavanja vodnog akta; izdan od strane Agencije za vodno područje rijeke Save pod brojem UP-1/21-3-40-500-5/23, dana 27.11.2023. godine te kopija naloga za plaćanje troškova,
 - Službena zabilješka o povratu projektne dokumentacije, broj: UP-1/21-3-40-500-6/23,
 - Službena zabilješka o dopuni podneska zahtjeva, broj: UP-1/21-3-40-500-8/23.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled izgrađenog poslovnog objekta benzinske pumpne stanice sa pratećim sadržajima i tom prilikom sačinjen zapisnik o uviđaju broj: UP-1/21-3-40-500-6/23 od 28.12.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Poslovni objekt benzinske pumpne stanice sa pratećim sadržajima „ČAVKUNOVIĆ - TRADE" d.o.o. Bihać, je izgrađen u sklopu poslovno-prodajnog objekta u Unskoj ulici, u Bosanskoj Krupi.

Objekat se sastoji od nadstrešnice iznad aparata za istakanje goriva sa maloprodajnim mjestom, sanitarnim i upravnim prostorijama, spremnika za gorivo, separatora ulja i masti, internih saobraćajnih i parkirnih površina te zelenila. Gorivo se dovozi autocisternama i pretače u ukopane dvoplašne spremnike, ukupnog kapaciteta 180 m³ (3 x 60 m³).

Sanitarne otpadne vode iz maloprodajnog objekta su kanalizacionim cijevima sprovedene u kolektor gradske kanalizacione mreže. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom do ispusta u kolektor gradske kanalizacione mreže. Oborinske vode sa manipulativnih površina, koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka slivnicima i linijskim slivnim rešetkama te cijevnim sistemom odvođe do betonskog separatora ulja i masti/trokomornog taložnika na potreban tretman. Preliv iz separatora/taložnika je priključen na kolektor gradske kanalizacione mreže. Oborinske vode sa betoniranih pretakališnih površina se nivelacijom istih ka linijskim slivnim rešetkama prikupljaju i odvođe, također do betonskog separatora ulja i masti/trokomornog taložnika na potreban tretman.

Tehnološke otpadne vode nastale na radnim boksovima samouslužne autopraonice se slijevaju u prostorne rešetke ugrađene po sredini radnih boksova te se cijevnim sistemom odvođe do ispusta u kolektor gradskog kanalizacionog sistema.

Dostavljenom projektnom dokumentacijom (projekt hidroinstalacija) nisu prikazani recipijenti otpadnih voda (samo naznačeni), okno za uzimanje uzoraka, opis recipijenta, i slično.

U prethodnom postupku su evidentirana odobrenje za gradnju benzinske pumpne stanice. Podnosilac zahtjev se aktom broj: 265/2018, dana 03.10.2018. godine obratio operatoru javnog gradskog kanalizacionog sistema za sa ispuštanje onečišćenih oborinskih voda sa lokacije benzinske pumpe u kolektor gradske kanalizacione mreže.

Operator javnog gradskog kanalizacionog sistema, aktom broj: 3935/18, dana 10.10.2018. godine, nije dao odobrenje te je podnosilac zahtjeva uputio akt, broj: 259/2018 dana 16.10.2018. godine Službi za komunalne djelatnosti i infrastrukturu općine Bosanska Krupa. Služba je aktom broj: 05-25-6921-1/18 dana 25.10.2018. godine, dostavila predmet na dalje postupanje operatoru javnog gradskog kanalizacionog sistema JKP „10. Juli“ d.o.o. Bosanska Krupa, te je tako zatvorila krug dopisivanja. U predmetnom postupku je podnosilac zahtjeva ponovo podnio zahtjev za odobrenje za ispuštanje onečišćenih oborinskih voda sa prostora objekta benzinske pumpne stanice kao i tehnoloških otpadnih voda sa prostora objekta samouslužne autopraonice u kolektor javnog gradskog kanalizacionog sistema. Prema riječima predstavnika podnosioca zahtjeva, nije uopće dobio odgovor te se predmetni upravni postupak rješava prema priloženoj dokumentaciji i utvrđenom činjeničnom stanju. Objekti benzinske stanice i samouslužne autopraonice su izgrađeni na dvije susjedne parcele, u vlasništvu podnosioca zahtjeva, povezani zajedničkim manipulativnim površinama te se zbog ekonomičnosti spajaju u jedan upravni postupak.

Uvidom u priložen akt rješenja o vodnoj dozvoli za korištenje vode i ispuštanje sanitarnih otpadnih voda iz objekta benzinske pumpe sa pratećim sadržajima se može zaključiti da općinski organ uprave izdaje rješenje za ispuštanje sanitarnih otpadnih voda u kolektor sistema javne odvodnje sanitarnih otpadnih voda uz poštovanje uslova definisanih od strane nadležnog upravitelja, datih u ranije izdatoj komunalnoj saglasnosti. Također, uvidom u priloženi račun za mjesec oktobar 2023. godine, izdan od strane operatora javnog vodovodnog i kanalizacionog sistema, uračunata je i stavka za održavanje kanalizacionog sistema.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „ČAVKUNOVIĆ - TRADE“ d.o.o. Bosanska Krupa, ispunio minimum uslova za izdavanje vodne dozvole te je riješeno kao u dispozitivu ovog rješenja.


Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata


(Haris Ališehović, dipl. inž. građ.)

Dostaviti:

- „ČAVKUNOVIĆ - TRADE“ d.o.o. Bihać, Žrtava Srebreničkog genocida bb, 77 000 Bihać,
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava